

मार्निंग डोगरी न्यूज बुलेटिन, समें. 09.20 Hrs

<><><><><><>

Headlines

- 1- प्रधानमंत्री नरेंद्र मोदी होरें आखेआ जे देश बन्ने पर 1 इंच जमीन पर बी समझौता नेई करोग।
- 2- भारत अज्ज रौशनी दा ध्यार देयाली पूरी धार्मिक श्रद्धा ते जज्बे कन्नै मना'रदा ऐ।
- 3- जमात नौमी तोड़ी स्कूली इम्तिहान सर्दिएं कोला पैहले होडन, आखेआ मुखमंत्री उमर अब्दुल्ला होरें।
- 4 प्रधानमंत्री मोदी होरें आखेआ जे देश इक राष्ट्र आचार संहिता बक्खी बदा'रदी ऐ जेड़ी गै धर्म निरपक्ख आचार संहिता ऐ।
- 5 उपराज्यपाल मनोज सिन्हा होरें आखेआ जे हर इक गी एह कबूलना चाइदा जे जम्मू-कश्मीर केंद्र शासित प्रदेश ऐ।

<><><><><><>

PM-Country

प्रधानमंत्री नरेंद्र मोदी होरें आखेआ जे अज्ज देसै च नेही सरकार ऐ जेहड़ी बन्ने पर इक इंच दी जिमी लेई बी समझौता नेई करोग। उनें जोर देइयै आखेआ जे सरकार दिएं नीतिएं दा सुरक्षाबलें दे धेइयै कन्नै पूरी चाल्ली तालमेल ऐ। प्रधानमंत्री होरें कल गुजरात दे कच्छ च क्रीक क्षेत्र दे लक्की नाला च

सशस्त्र बलें कन्नै देयाली मनाई। उनें सीमा सुरक्षा बल, फौज, नौसेना ते वायु सेना दे जवानें कन्नै देयाली मनाने पर बड़ी मती खुशी जाहिर कीती। प्रधानमंत्री होरें जवानें गी देयाली दियां मुबारखां दितियां ते उंदी बहादुरी ते दलेरी दी सराहना बी कीती। उने आखेआ जे जवानें हर चुनौती आहली स्थिति च देसै दी रक्षा आस्तै अपनी लग्न ते तनदेही गी साबित कीता ऐ। उनें जवानें दी दलेरी दी सराहना करदे होई आखेआ जे सेना दे जवान हर स्थिति च राष्ट्र दी सेवा ते रक्षा लेई तैनात रौहंदे न। प्रधानमंत्री होरें क्रीक क्षेत्र च गश्त करने आहली बी.ओपी-ए च इक दा दौरा बी लाया ते सुरक्षाकर्मियें गी मिठाइयां बंडियां। 2014 थमां गै प्रधानमंत्री नरेंद्र मोदी होर मुख्यै दिए बक्ख-बक्ख नुक्करें च तैनात सैनिकें कन्नै हर बरे देयाली मनांदे न।

<><><><><><>

Rajnath-China

रक्षा मंत्री राजनाथ सिंह होरें आखेआ ऐ जे भारत ते चीन बश्कार असल कब्जा रेखा कन्नैलगदे किश थाहें पर बनी दी तनोतनी दा हल कड्डने आस्तै दौनें राजनयिक ते फौजी स्तर पर गल्लबात चला'रदी ऐ ते आपसी गल्लबात दे नतीजे दे तौर पर सामना कते आपसी सुरक्षा दे आधार पर आम सहमति बनी बी ऐ। एह गल्ल मंत्री होरें तवांग च कल वर्चुअल ढंग्गै सरदार वल्लभभाई पटेल हुंदी प्रतिमा पर पर्दा गोआइने ते Major Ralengnao Bob Khathing 'Museum of Valour' दा अनावरण करने मगरा आक्खी।

<><><><><><>

Deepawali

अज्ज भारतीय लोक रौशनी दा ध्यार देयाली मना रदे न। इस ध्यार दा इंतजार सारेंगी खास करिए हिंदुएं गी पूरे साल रौहंदा ऐ। एह ध्यार हर बरे अक्टूबर-नवंबर बशकार मनाय जंदा ऐ, मगर हिंदू कलंडर मताबक हर बारी इस ध्यार दी तरीख बक्खरी हुंदी ऐ। इस बरे देयाली वीरवारें मनाई गेई पर देश दे किश हिस्सें च एह ध्यार अज्ज यानि शुक्रवारें मनाया जा'रदा ऐ। इस दिन लोक दीए ते मोमबत्तियां बालदे न जेहड़ा के न्हरे पर रौशनी दी जित ते बुराई पर अच्छाई दी जित दा प्रतीक ऐ।

<><><><><><>

Rajouri-Deepawali

देश दे सशस्त्र बलें दे समर्पण दा सम्मान करदे होई उपायुक्त अभिषेक शर्मा ते एसएसपी रंदीप कुमार होरें राजौरी जिले च कब्जा रेखा नेड़े तैनात जवानें कन्नै देयाली मनाई। सेना दी हर मुश्किल हालातें च देश दी रक्षा करने दी प्रतिबद्धता ते अपने परिवारें कोला दूर रहिए चुनौती भरे दे हालातें च अपनी झूटी करने दे प्रति आभार व्यक्त करने दे मकसद कन्नै डी.सी ते एसएसपी होरें एह दौरा लाया। इस दौरान मिठाइएं दा आदान-प्रदान बी कीता गेआ।

<><><><><><>

Market-Inspection

देआली दे ध्यार दे मद्देनजर लीगल मेट्रोलाजी विभाग आसेआ जम्मू दे कारोबारी इलाकें च बजारें दे निरीक्षण आहली कार्रवाई तेज करी दिती गेई ऐ। एहदा मकसद कारोबारिएं गी तय नियमें दी पालमा बारै जानकार बनाना ऐ तां जे ओह तय मानकें स्थाबै बपार करन ते गाहकें गी कुसै किस्में दी कोई दिक्कत-परेशानी पेश नेई आवैं। मैहकमे नै नियमें दी पालमा नेई करने आहलें खलाफ कार्रवाई करदे होई गांधी

नगर ते बाहू प्लाजा च 2 बेकरी स्टोर सने मार्बल मार्केट ते वेव माल च बी इक स्टोर गी जर्माना लाया ऐ।
मैहकमे ने गाहकें गी आखेआ जे ओह् ध्यारें दी रूतै दरान मते सौहगे सतर्क होइए खरीदारी करन।

<><><><><><>

Omar-Exams

मुख्यमंत्री उमर अब्दुल्ला होरें कल ऐलान कीता ऐ जे कश्मीर च नवंबर-दिसंबर च यानि
स्याले दिएं छुट्टिएं शा पैहले गै 9मीं जमात तगर दे सलाना म्तेहान करोआई लैते जाडन।
इक कार्यक्रमै दरान पत्रकारें कन्नै गल्ल करदे होई उनें आखेआ जे इस फैसले कन्नै
विद्यार्थिएं ते उंदे माता-पिताएं दी इक चिरकी मंग पूरी होई जाग ते कन्नै सरबंधत धड़ें गी
बी राहत मिलोग। उआं उनें इब्बी आखेआ जे 10मीं, 11मीं ते 12मीं जमातें लेई मजूदा
कार्यक्रम तैहत गै फिलहाल म्तेहान लैते जाडन ते इनें जमातें लेई फैसला अगले बरे लैता
जाग। उमर होरें म्तेहानें दे कार्जक्रम च तब्दीली लेई मंत्रीमंडन अगगे प्रस्ताs रक्खने ताई
शिक्षा मंत्री सकीनी इतू हुंदा धन्नवाद कीता।

<><><><><><>

PM Civil Code

प्रधानमंत्री नरेंद्र मोदी होरें आखेआ ऐ जे भारत इक राष्ट्र इक नागरिक संहिता बक्खी बदा'रदा
ऐ ते एह् धर्म निरपक्ख नागरिक संहिता होग। कल गुजरात दे केवड़िया च राष्ट्री एकता दिवस
समारोह गी संबोधित करदे होई मोदी होरें आखेआ जे धर्म निरपक्ख नागरिक संहिता कन्नै
फर्कोफर्कियां खत्म होंगन। उनें आखेआ जे इक राष्ट्र इक पंछान आधार दी सफलता स्हाड़े

सामने ऐ ते एह दुनिया आस्तै बी चर्चा दा विशे ऐ। उनें आखेआ जे पैहलें भारत च बक्खरी-बक्खरी टैक्स प्रणालियां हियां पर सरकार नै इक राश्ट्र इक टैक्स प्रणाली जीएसटी लागू कीती। प्रधानमंत्री होरें आखेआ जे उंदी सरका इक राश्ट्र इक पावर ग्रिड राहें बिजली सैक्टर गी मजबूत बना'रदी ऐ ते इक राश्ट्र इक राशन कार्ड दे जरिए गरीबें आस्तै स्थूलतां इकट्ठियां कीतियां गेइयां न।

<><><><><><>

LG-Sinha

उपराज्यपाल मनोज सिन्हा होरें कल आखेआ जे जम्मू-कश्मीर केंद्र शासित प्रदेश ऐ ते हर इक गी एह सच्चाई कबूल करनी चाइदी। उनें आखेआ जे जिनें भारती संविधान हेठ शपथ लैती ही, उयें जम्मू-कश्मीर दे केंद्र शासित प्रदेश दे दर्जे दे खिलाफ खड़ोते दे न जेदे कन्नै उंदा दोगला व्यक्तित्व लब्बदा ऐ। SKICC, श्रीनगर च यू.टी स्थापना दिवस पर अपने संबोधन मगरा उपराज्यपाल होरें संवाददाताएं कन्नै गल्लबात करदे होई आखेआ जे जम्मू-कश्मीर हून केंद्र शासित प्रदेश ऐ ते सारें गी एह मनना चाइदा। उनें आखेआ जे प्रधानमंत्री ते गृह मंत्री होरें संसद च ऐलान कीता हा जे हदबंदी दी प्रक्रिया गी पैहले पूरा कीता जाग ते फही चुनाएं बाद राज्य दा दर्जा वापस दिता जाग। उनें चेता नोआया जे जिसलै प्रधानमंत्री होर अंतर्राष्ट्री योग दिवस पर इत्थे आए हे, उनें आखेआ हा जे विधानसभा चुनां तौले गै करवाए जांगन ते औहदे मगरा राज्य दा दर्जा बहाल होग। यू.टी स्थापना दिवस कार्यक्रम गी किश राजनीतिक दलें आसेआ बायकाट करने पर उपराज्यपाल होरें आखेआ जिसले जम्मू-कश्मीर परतियै राज्य दा दर्जा हासल करोग तां एह ध्याड़ा राज्य स्थापना दिवस दे तौर पर मनाया जाग।

<><><><><><>

Rana

बीजेपी दे वरिष्ठ नेता, नगरोटा थमां विधायक ते मशहूर कारोबारी देवेंद्र सिंह राणा हुंदा जंदी रातीं फरीदाबाद दे इक निजी अस्पतालै च काल होई गेआ। ओह 59एं बरें दे हे ते अपने पिछ्छे अपनी माता, घरे आहली ते 3 बच्चें गी छोड़ी गए न जिंदे च 2 धीआं ते पुतर ऐ। राणा हुंदे दऊं भास बी हैन जिंदे च केंद्री मंत्री डॉक्टर जीतेंद्र सिंह ते सेवानिवृत्त इंजीनियर सतिंद्र सिंह शामिल न। राणा होरें 2014 तगर नेशनल कांफ्रेंस ते कांग्रेस दे गठबंधन आहली सरकार च मुख्यमंत्री उमर अब्दुल्ला हुंदे सियासी सलाहकार बी रेय हे। ओह पिछले किश चिरै थमां कसरी चलै करदे हे ते जंदी रातीं उनें फरीदाबाद दे इक निजी अस्पतालै च खीरी साह लैता। राणा होर पैहली बारी 2014 च नगरोटा थमां नेशनल कांफ्रेंस दे विधायक चुने गे हे। मगरा ओह 2021 च बीजेप च शामिल होई गए हे ते हाल च होए दे असेम्बली चुनाएं च उनें फही बड्डी जित हासल कीती ही। राणा हुंदा खीरी संस्कार अज्ज संझा 4 बजे शास्त्री नगर शमशान घाट च होग।

<><><><><><>

Condolences

नगरोटा थमां विधायक देवेंद्र सिंह राणा हुंदा काल होई जाने पर केई सियासी हस्तिएं दुख ते बसोस जताया ऐ। लेफ्टिनेंट गवर्नर मनोज सिन्हा होरें इक सोगी संदेश च आखेआ ऐ जे राणा हुंदे काल दी खबर सुनियै उनेंगी बड़ा दुख होआ ऐ। उनें आखेआ जे लोकें इक बड्डे देशभक्त नेता गी मुहाई दिता ऐ। उनें सोगी परोआर प्रति हमदर्दी जताई ऐ। मुख्यमंत्री उमर अब्दुल्ला होरें बी राणा हुंदे काल पर बसोस जताया ऐ। उनें राणा हुंदे कन्नै बिताए दे समें गी चेता करदे

होई सोगी परोआर प्रति हमदर्दी जताई ऐ। उपमुख्यमंत्री सुरिंद्र चौधरी ते पीडीपी अध्यक्ष महबूबा मुफ्ती हुंदे सने होरनें बी केई सियासी हस्तिएं राणा हुंदे काल पर दुख जतांदे होई दिवंगत आत्मा दी शांति लेई प्रार्थना कीती ऐ।

<><><><><><>

Minister-Satish

ट्रांसपोर्ट मंत्री सतीश शर्मा होरें रेल हेड कम्प्लैक्स जम्मू दे जे.के.आर.टी.सी दफ्तर थमां 2 ए.सी बसें ते नान ए.सी बस गी झंडी दस्सियै रवाना कीता। एह त्रै बसां जम्मू थमां रियासी, सुंदरबनी ते प्लावाला आहले बक्ख-बक्ख रूटें पर चला करडन। इस मौके बोलदे होई मंत्री होरें आखेआ जे सरकार प्रदेश च इक बधिया ट्रांसपोर्ट प्रणाली स्िापित करने लेई बचनबद्ध ऐ। उनें गलारया जे एह बसां लोकें लेई सफर मता अरामदेह बनांगन। मगरा मंत्री होरें जे.के.एस.आर.टी.सी दे अधिकारिण-कर्मचारिण ते ट्रांसपोर्ट यूनियन दे प्रतिनिधिण कन्ने इक बैठक लाई ते उंदे मसलें गी सुनेया। मंत्री होरें उनेंगी यकीन दोआया जे किश हफ्तें अंदर गै 20 फीसदी महंगाई भत्ता जारी कीता जाग। उनें आखेआ जे उमर अब्दुल्ला हुंदी अगुवाई आहली सरकार उंदे जायज मसलें गी हल करने लेई बचने बज्झी दी ऐ।

<><><><><><>

Div Com Pledge

जम्मू-कश्मीर केंद्र शासित प्रदेश दा 6मां स्थापना दिवस कल जम्मू दे कन्वेंशन सेंटर च जोशो-खरोश कन्ने मनाया गेआ। इस मौके पर जम्मू दे डिविजनल कमिशनर रमेश कुमार होरें

प्रतिभागिएं गी राश्ट्री एकता दिवस दी सगंध चुकाई। जम्मू-कश्मीर दी कला, संस्कृति ते भाशाएं सरबंधी अकैडमी दे कलाकारें शानदारें शानदार सांस्कृतिक कार्यक्रम पेश कीता। पिछले 6एं बरें दरान होए दे विकास ते तब्दीलिएं पर आधारित इक लौहकी दस्तावेजी फिल्म बी इस मौके पर दस्सी गई। डिविजनल कमिशनर होरें प्रदेश दे स्थापना दिवस पर हर कुसै गी मुबारकबाद दिती ते राश्ट्र दे प्रति अपनी जिम्मेदारियां निभाने दे महत्व पर लोऽ पाई।

<><><><><><>